



ს ა ქ ა რ თ ვ ე ლ ო  
 მცხეთის მუნიციპალიტეტის მერია  
 GEORGIA  
 MTSKHETA MUNICIPALITY CITY HALL



ბრძანება:ბ34. 342431318

თარიღი:08/11/2024

**დისციპლინური წარმოების განმახორციელებელი კომისიის შექმნის შესახებ**

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის მე-3 პუნქტის „ა“ ქვეპუნქტის, 54-ე მუხლის პირველი პუნქტის „ე.ე“ და ე.ვ<sup>1</sup> ქვეპუნქტების, ასევე, „საჯარო სამსახურის შესახებ“ საქართველოს კანონის 89-ე მუხლის მე-3 პუნქტის „ბ“ ქვეპუნქტის, მე-4 პუნქტის და 90-ე-97-ე მუხლების საფუძველზე,

**ვ ბ რ ძ ა ნ ე ბ ე :**

1. შეიქმნას დისციპლინური წარმოების განმახორციელებელი კომისია შემდეგი შემადგენლობით:

**ა) კომისიის თავმჯდომარე** - მცხეთის მუნიციპალიტეტის მერის მოადგილე, **გიორგი ბაჯაძე;**

**ბ) კომისიის თავმჯდომარის მოადგილე** - მცხეთის მუნიციპალიტეტის მერიის ადმინისტრაციული სამსახურის პირველადი სტრუქტურული ერთეულის ხელმძღვანელი, **ნინო ჩინაშვილი.** (კომისიის თავმჯდომარის არ ყოფნის შემთხვევაში, მის უფლება-მოვალეობებს ასრულებს კომისიის თავმჯდომარის მოადგილე);

**გ) კომისიის მდივანი** - მცხეთის მუნიციპალიტეტის მერიის ადმინისტრაციული სამსახურის იურიდიული განყოფილების მესამე რანგის მესამე კატეგორიის უფროსი სპეციალისტი, **მარიამ ხაბეიშვილი** (კომისიის მდივანი მონაწილეობს გადაწყვეტილების მიღების პროცესში ხმის უფლებით);

**დ) კომისიის წევრები:**

**დ.ა) მცხეთის მუნიციპალიტეტის მერიის ზედამხედველობის სამსახურის პირველადი სტრუქტურული ერთეულის ხელმძღვანელი,** თეიმურაზ ჯერვალიძე;

**დ.ბ) მცხეთის მუნიციპალიტეტის მერიის ადმინისტრაციული სამსახურის იურიდიული განყოფილების მეორადი სტრუქტურული ერთეულის ხელმძღვანელი,** ანა მამაგვიშვილი;

**დ.გ) მცხეთის მუნიციპალიტეტის მერიის ადმინისტრაციული სამსახურის ადამიანური რესურსების მართვის განყოფილების მეორადი სტრუქტურული ერთეულის ხელმძღვანელი,** ნინო მრევლიშვილი;

**დ.დ) მცხეთის მუნიციპალიტეტის მერიის ადმინისტრაციული სამსახურის იურიდიული განყოფილების მესამე რანგის მესამე კატეგორიის უფროსი სპეციალისტი,** სოფიო ბოჭორაძე.

1.1 კომისია უფლებამოსილების განხორციელებისას დამოუკიდებელია და ხელმძღვანელობს მხოლოდ საქართველოს კონსტიტუციით, „საჯარო სამსახურის შესახებ“ საქართველოს კანონითა და სხვა სამართლებრივი აქტებით;

1.2 კომისიის საქმიანობის მიზანია, დისციპლინური გადაცდომის ფაქტის სწრაფად და სრულად გამოვლენა დისციპლინური წარმოების პრინციპების დაცვით;

### 1.3 დისციპლინური წარმოების განხორციელებისას კომისია უფლებამოსილია:

ა) შეაგროვოს და შეისწავლოს გარემოებები/ფაქტები/ინფორმაცია, რაც საფუძვლად დაედო დისციპლინური წარმოების დაწყებას;

ბ) მიიღოს და გააანალიზოს წერილობითი ან/და ზეპირი ახსნა-განმარტებები;

გ) მტკიცებულებებზე დაყრდნობით დაადასტუროს დისციპლინური გადაცდომის არსებობა ან არარსებობა;

დ) განსაზღვროს დისციპლინური გადაცდომის თანაზომიერი დისციპლინური პასუხისმგებლობის ზომა;

### 1.4 კომისიის ვალდებულებები:

ა) დისციპლინური წარმოების დაწყებიდან 2 (ორი) სამუშაო დღის ვადაში დისციპლინური გადაცდომის სავარაუდო ჩამდენ პირს კომისია უგზავნის შეტყობინებას დისციპლინური წარმოების დაწყების შესახებ, რომლითაც მას განემარტება მისი უფლებები, მოვალეობები. აგრეთვე, ეცნობება წერილობითი ახსნა-განმარტების წარდგენის შესაძლებლობის შესახებ, რომლის წარდგენის ვადაა - შეტყობინების ჩაბარებიდან 3 (სამი) სამუშაო დღე;

ბ) იმ შემთხვევაში თუ, წერილობითი ახსნა-განმარტება იქნება არასრული ან საჭირო გახდება დამატებითი დოკუმენტაციის წარდგენა, კომისია დისციპლინური გადაცდომის სავარაუდო ჩამდენ პირს განუსაზღვრავს 3 (სამი) სამუშაო დღის ვადას დამატებითი დოკუმენტაციის წარდგენისთვის;

გ) კომისიამ უნდა უზრუნველყოს დისციპლინურ წარმოებაში იმ პირთა ჩართვა, მათ შორის შესაბამისი სტრუქტურული ერთეულის და სტრუქტურული ერთეულის ქვედანაყოფის ხელმძღვანელების, რომლებსაც აქვთ ინფორმაცია დისციპლინური გადაცდომის ფაქტის შესახებ;

დ) თუ დისციპლინური წარმოების მოსალოდნელი შედეგია დისციპლინური პასუხისმგებლობის ზომად სამსახურიდან გათავისუფლების შეფარდება, კომისია ვალდებულია ჩაატაროს ზეპირი მოსმენა დისციპლინური გადაცდომის სავარაუდო ჩამდენი პირის მონაწილეობით, საქართველოს ზოგადი ადმინისტრაციული კოდექსის 110-112 მუხლებით დადგენილი წესით; ზეპირი მოსმენის გამართვის შესახებ პირს უნდა ეცნობოს 7 სამუშაო დღით ადრე.

1.5 კომისიის სხდომის მიმდინარეობის შესახებ კომისიის მდივანი ადგენს სხდომის ოქმს;

1.6 კომისია დისციპლინურ წარმოებას ასრულებს დასაბუთებული დასკვნის შედგენით, რომელიც ეფუძნება დისციპლინური წარმოების დროს მოპოვებული მასალების ანალიზს;

1.7 კომისიის დასკვნა, მისი შედგენიდან 2 (ორი) სამუშაო დღის ვადაში ეგზავნება დისციპლინური გადაცდომის ჩამდენ პირს და მცხეთის მუნიციპალიტეტის მერს;

1.8 მცხეთის მუნიციპალიტეტის მერი დასკვნის მიღებიდან 7 სამუშაო დღის ვადაში იღებს კანონით გათვალისწინებულ შესაბამის გადაწყვეტილებას.

3. დისციპლინური წარმოების ვადაა, მისი დაწყებიდან 1 (ერთი) თვე.

4. ბრძანება ძალაშია გაცნობისთანავე.

5. ბრძანება შეიძლება გასაჩივრდეს მცხეთის რაიონულ სასამართლოში (მის: ქ. მცხეთა, სამხედროს ქ. #17) გაცნობიდან 1 (ერთი) თვის ვადაში.

დამიტრი ზურაბიშვილი

მცხეთის მუნიციპალიტეტის მერია-მერი

გამოყენებულია კვალიფიციური  
ელექტრონული ხელმოწერა/  
ელექტრონული შტამპი

